

南潯志卷二十四

里人周慶雲纂

列女一

元 姚某妻管道杲 陳自幼

張二孃

明 沈安女沈瓊蓮

張洪妻蕭氏 妾陳氏

范某妻朱氏

沈之濠妻吳氏

朱縉妻沈氏

華士嶠妾曹氏

温九思妻陸氏

母沈氏媳茅氏孫女寶德

温伯生妻吳閨貞

紀有經妻徐氏 金未聘妻紀氏 紀氏婢

紀有徵妻吳氏

莊日強妻蔣氏

朱鎔如妻王氏

董嗣昭妻李氏

南潯志

卷二十四

列女一

一

董嗣暉妻茅氏

董氏婦

温某妻葉氏

吳某妻陸氏 子婦張氏

方章甫女

皇甫申之妻孫氏

莊廷鑑妻某氏

清

董廷勛妻顧氏

顧士傑妻黃氏

程嘉和聘妻潘氏

華宏宙妻沈氏 華仁漢妻盛氏

程文煌妻孫氏

莊明揚妻潘氏

莊之琳繼妻沈氏

紀志光妻温氏 妾張氏

吳有思聘妻姚氏

丁夢嵩妻蔣氏

朱念紹繼妻王氏

温方妻莊氏

莊濟妻王錫蕙

朱乳母

王贊匡繼妻吳氏 繼高祖母張氏

夏開衡妻姚氏

紀又紘妻吳氏紀又純妻童氏

董士驩妻胡氏

梅軼倫妻紀氏

董紹宗妻金氏

董三鳳妻金氏

董承勳妻徐氏

潘尙仁妾蘇始芳

夏祖勤妻孔繼光

邱元文妻龐氏子婦莊氏

董豐垣妻姚益敬

蔡雲妻董琴

董啟埏妻吳年

溫中黃妻葉氏翔何妻周氏似蘧妻董氏

張鴻案妻倪氏

沈文聘妻董氏

潘潤之女

程某妻陸氏

沈方安妾欽氏

沈斗南妻陳氏

潘祖德妻溫氏

陳濂繼妻紀氏

南潯志

卷二十四

列女一

二

丁貞女漱六

許某妻蔣氏

謝恆若繼妻徐氏

計元夢妻吳氏

李世華妻程氏

子龍光婦蔣氏

某氏妻顧氏

某氏妻沈氏

蔣麗天妻倪氏

丁斗南女

朱某妻張氏

高氏

李貞女

沈烈婦

高士奎女

溫坤聘妻范瑞珍

丁起堂妻沈氏丁源妻沈氏

紀峻女

姚松年妻李氏

姚泰交妾尙氏

丁大奎妻潘氏

金邦禮聘妻方氏

張其昌妻金氏

金豫豐妻華氏

薛漢升女

汪日霖聘妻陸氏

李某妻某氏

邵某妻曹氏

朱杰妻李氏

芝田妻吳氏

姚永貴繼妻鄭氏

王承霖妻盛氏

徐茵

溫純妻嚴文

繼妻吳德韞徐孟賢妾王氏

吳錦江妻李氏

董慶槐妻汪懋芳

汪延澤妻趙棻

女汪日采汪日杼

湯祖訓妻蔣氏

孫錫琛二女

李思周妻黃氏

李世元妻黃氏妹二姑

朱烈女

溫文俊女妻張氏

沈祖培

沈思藻妻嚴氏

施敦裕聘妻張妙貞

錢氏

紀七襄妻嚴氏

承瀛妻潘氏

袁烈女

南潯志

卷二十四

列女一

三

王錫瑞妻鈕氏

周寅亮妻沈氏

周良苗妻許氏

吳烈女

蔣齋妻吳氏

周昌大妻董氏

弟昌熾妻沈氏

溫晉妻周氏

徐珊姑

劉保康妻陸氏

董春齡妻萬氏

吳能臣聘妻李蘊姑

邱培恩妻沈氏

張輔妻周氏

李邦治繼妻張氏

謝書紳妻湯氏

書元妻吳氏

張氏婢愛姐

某氏婢瑞香

邢勝奎妻李氏

劉安瀾妻邱氏

周慶奎妻徐熙珍

張令如繼妻潘氏

元

管道杲道昇姊適南潯姚氏善書嘗爲道昇題畫縣志云吾妹魏

國夫人仲姬見訪于南潯里第宴坐君子軒夫人笑曰君子名

軒何以無竹爰使奴磨墨寫此幅于軒中履園叢話君子軒疑在北

柵汪志後有陳自幼適南潯姚氏縣志一意奉佛有手書觀世音普

門品玉臺畫史趙孟頫題其後姚氏之婦世以書名稱爲韻事縣志

張二孀宋季南潯人嫁吳江十都陳熙載孝事舅姑和睦宗族

夫亡無子父母憐其少欲爲改適張守志不可奪久之乃立夫

姪文煥爲子教養如己出逮至成立而張年已八十餘矣元元

貞初震澤巡檢王守讓震澤鎮學教諭賈復爲上其事大德二

年始旌其門閭汪志

南潯志 卷二十四 列女一 四

沈瓊蓮字瑩如烏程人世傳富民萬三之後父安弟溥俱舉人

母李氏晝夢孤鸞含碧蓮花下卧內覺而生慧甚博覽經史過

目成誦八歲口占協聲律天順末置女史典宮籍詔徵天下才

女吳楚以瓊蓮應時年十三入爲女秀才憲宗御極供奉禁苑

縣志暇飼白鸚鵡教之誦尙書無逸篇靜志居詩話一日當進御瓊蓮

伏地叩首曰臣本江南儒家子待罪校書足矣希恩徼寵復何

敢覬得請孝宗嘗試守宮論瓊蓮發端云甚矣秦之無道也宮

豈必守哉上悅擢第一厯官女學士卒于宮中嘗製宮詞十首

與寄兄送弟諸律世多傳誦人呼爲沈閣老縣志時人以爲婕妤好

花蕊不足多讓府志張洪妻蕭氏妾陳氏洪任甯波教授嘉靖丙午倭寇犯甯波隨

夫同殉于官署縣志旌表詳人物張洪傳祀府學節孝祠汪志

朱氏生員范某妻朱經女少師國禎之姑也歸范甫週嘉靖癸

亥年二十一夫卒慟絕乃集內外戚屬請後于舅姑孤立中絕

復遭舅姑之喪遷徙流離半畝之宮不蔽風雨鄉人式其門曰

斯非范節婦居耶何不幸如是國禎初貴以父喪歸氏謂之曰

若將以貴重耶妾聞布衣之士賢於肉食者多矣子之父是也

其毋忘父之所欲為者國禎唯唯曰謹受教守節三十四年卒

國禎誄其行劉宗周為撰傳萬曆二十七年旌表祀府學節孝

祠汪志

沈之鑿妻吳氏嘉靖丙寅之鑿溺死氏年十九撫嗣子汝家政

甚整業日拓汝有俊才早貢為博士有郎廷瓚者貨金十鬻妻

南潯志 卷二十四 列女一 五

以償氏聞亟還金贖之盜入室氏厲聲曰我沈門老寡婦刀不

去手犯即自刺盜駭愕散去人服其膽識祀府學節孝祠汪志

朱緯妻沈氏給事中沈之唵女少師國禎之子婦也夫有心疾

不通人道氏侍奉無怨色夫亡矢節孝事舅姑國禎亟稱之汪志

水部華士嶠妾曹氏二十六歲水部臨歿以氏年少欲遣嫁之

氏憤然曰從一而已誓死不二及水部卒氏端居小樓矢節五

十五年范志

溫九思妻陸氏年二十四夫亡遺孤璜與姑沈氏同居破屋一

間無帷帳歲大飢姑病且餓同坐卧一板箱種火煨粥以為食

手不停鍼每歲祭享衣食束修紙筆之費皆自淚痕指血中來

姑卒哀毀如子守節五十年卒天啟七年旌表建坊璜為祖母

沈誌墓云大母與曾大母同貧困者二十餘年與母同孤寡者三十餘年大母與母同卧起母泣則大母與俱泣母飢則大母與俱飢母鍼黹徹昏曉大母與俱昏曉嘗教母曰寡婦有三安一日安命不安命者瞋天仇地父母公姑視同冤業一日安貧不安貧者怨己責人手足頽惰乞貨無厭一日安分不安分者燒香種福結伴出門招搖人目母謹守此三言以終其身年八十六無疾而逝璜述陸氏之訓爲貞石堂家訓一卷一名溫氏母訓縣志璜妻茅氏璜授徽州司理府志甲申聞京師陷欲伏刃死氏勸之曰縣志君父大仇未報徒死無益也願公稍延性命俯徇歎人之請乃整頓疆宇防遏土寇稽永仁溫忠烈公寶忠傳王師下江南縣志鄰郡縣皆望風潰李長祥徽州府司理寶忠溫公傳璜退居滄阮縣志從弟以中

南潯志

卷二十四

列女一

六

勸之歸璜曰吾守土臣義當與此地爲存亡汝護持嫂氏挈姪輩還里門毋以余爲念弟迫氏就道氏檢衽正色曰夫死異鄉婦歸故里於心忍乎夫願竭忠婦不引節於義安乎稽傳指天作誓願殉死一處弟遂涕泣而別兵至縣志璜慨然語氏曰吾生平學爲聖賢不過求今日處死之道耳因繞屋而走氏曰君之遲留得無以我及長女寶德在乎四庫全書提要請先死舊府志時女已寢氏呼之起女問何爲曰死爾四庫提要女卽引頸氏手結帨授璜對拽女仆地有頃動氏曰其投匕如其言乃死女死李傳氏遂整衣卧通鑑呼曰刃我縣志璜以刀截其喉輯覽未殊氏猶出一聲曰再刃我璜復力裁之遂絕璜乃自殺縣志

溫伯生妻吳孺人系出前坵名閨貞父仕詮登萬曆甲戌進士

生而敏慧端莊幼能詩得季父諱夢陽北海之傳及長作配温伯生太傅文忠公司理寶忠公皆其族也伯生苦志力學不得壽生一女無嗣孺人歿其壻與外孫景先輩訂其詩稿鍾伯敬有評名曰吳節孝詩選刊板行世

節錄詩選序言

生員紀有經妻徐氏萬厯癸酉年二十七夫亡無子惟撫一女守節十餘年女字金來聘未嫁夫亡

汪志

紀母適病訃至女輒脫

簪珥衣縞素請往哭母大詫曰必吾死乃可竟不得往時時飲泣或至失聲居頃之母死女殯斂如禮卒哭不卜日遂行攬涕登輿道路酸楚及門下車拜匱號慟幾絕命侍兒治觴寘靈几前合盞如生人禮自堂下趨登樓闔門閉影終歲不出事姑氏至孝晨夕奉祀咸備儀卒無纖芥忤姑意

董斯張紀貞女傳

姑欲以羅

南潯志

卷二十四

列女一

七

氏甥爲來聘嗣女以立異姓非禮堅執不從乃立夫兄孫紹祿爲夫後茹齋十年而卒

汪志

年二十有七女以一婢自隨婢事女

甚謹寒煖甘苦亡所辟遣之嫁弗應願終身事大家迨其歿落

髮從浮屠

貞女傳按汪志云有二婢借主母苦節主母歿二婢不嫁隨後二說不知孰是

萬厯二十七

年請旌建坊私謚貞愍朱國禎撰碑記祀府學節孝祠

汪志

紀有徵妻吳氏萬厯丙子年二十四夫亡子象衡甫生兩月撫

育成立

汪志

戊寅以後連遭奇荒潛鬻衣飾以濟族中不能自存

者縣志姑卧病數載調攝侍奉始終不怠守節二十四年

汪志

生員莊日強妻蔣氏年二十八夫亡遺孤甫三歲家貧又值歲

飢晨昏紡績僅飼其子而身甘窮餒迨日強弟日宣欲請表其

節氏不欲以節自顯力止之祀府學節孝祠

汪志

廕生朱鎔如妻王氏

汪志

鎔如文肅孫也以烏程學鼓眾北拒事

敗為北師斷其喉其友潛抱歸以楮封喉而殮之

查繼佐魯春秋

妻一

慟而絕既蘇日痛哭腸斷死

朱國禎傳

進士董嗣昭妻李氏嘉興王店李原中女萬曆乙未

汪志

進士初

第卒于京氏年十八聞訃幾絕無嗣立姪詵為後二歲而殤以

兩姪孫分祀

范志

善事孀姑約束內外歲戊申大禮捐穀帛以賑

鄉里設義田以贍宗族天啟六年撫按贈給旌扁粟帛疏請建

坊崇禎五年卒朱國禎撰傳祀府學節孝祠

汪志

附監生董嗣暉妻茅氏歸安花林茅國縉女萬曆丙午嗣暉卒

方病劇時氏刲臂肉和藥以進卒弗效侍孀姑長齋禮佛以終

其身守節十五年卒年三十三嗣暉弟斯張為賦旌志詩

汪志

南潯志

卷二十四

列女一

八

董氏婦南潯人不詳夫之名號亦不詳系出何氏及何時人惟

吳江午夢堂集刊于崇禎間皆當時才媛之作婦有詩選入云

嫁始逾年抑鬱而卒

潯溪詩徵

溫某妻葉氏溫七里人乙酉兵掠馬溪嫂妹數十人俱登舟葉

獨立岸上兵猝至投水死已而舟重自沈軍士悉鈎出之葉獨

不辱

府志

陸氏通判陸以載女嫁歸安前邱吳某順治乙酉寓居潯西六

里橋同媳張氏生員張大成女避兵田間張為兵所獲陸急奮

救俱厲罵遂同被害時年三十四其姪陸律記其事張年二十

一同祀府學節孝祠

汪志

方烈女裘莊方家港方章甫女時官兵追盜道出裘莊被掠登

舟乘守卒稍懈奮身投水死次日尸浮面如生年僅十三順治乙酉十一月二十九日也祀府學節孝祠汪志

吳江六都皇甫申之妻孫氏吳淩孫濟寰女順治乙酉挈家避居裘莊方家港時劇盜沈判劫潯官兵躡之所過淫掠氏方理髮申之走告曰兵至矣氏從容曰吾死分耳勿畏兵入欲污之氏齧其肉兵怒糾三卒共逼之齧愈甚不得近兵乃引繩緝其指懸于梁呵之曰不從則死氏嚼血罵曰速殺我毋多言遂殺之申之先傷于刃仆地鄰里救之甦感其烈遂薙髮爲僧氏死與方烈女同日里人稱爲雙烈祀府學節孝祠汪志

莊廷鑰妻值明末寇亂一日攜婢探親途遇寇掠婢去不從死鑰妻遁歸白其故旋自縊死湖濱襍記

南潯志

卷二十四 列女一

九

清

明副榜董廷勛繼妻顧氏歸安瑤莊顧爾祿女事姑盡孝汪志夫

患痼疾悉力調養不愈經理內外備極辛勤縣志崇禎壬申年二

十七夫亡守節二十四年撫孤漢策成立教以義方氏有傳家

序一篇自述甚悉順治十三年 題旌胡襄撰傳汪志

顧士傑妻黃氏士傑卒子世鉉纔八齡氏以兩世讀書均撻錮

疾早世不令世鉉習舉業而世鉉好學不倦胸多詩卷氏丸熊

教子志矢柏舟郡守有貞心匪石之旌額鄉黨榮焉潯溪詩徵

程嘉和聘妻潘氏潘宏次女尚仁尚智之姑也嘉和世居徽州

康熙丙午舉人後遷于潯初娶王氏卒續娶潘氏卽宏長女又

卒復聘氏爲繼妻未婚夫亡氏聞訃卽自經獲救乃縗經歸程

氏時年十九撫前妻子女極慈愛家人罕見其言笑守志六十餘年康熙五十九年 題旌董焯爲撰行狀汪志

華宏宙妻沈氏甲申盜起宏宙率鄉勇禦之族人仁漢有膂力與寇格鬥遇害宏宙中矢而殞氏年二十五撫襁褓兒給饔殮于十指苦節四十餘年仁漢妻盛氏當寇盜蜂起蹂躪鄉村氏匿亂草中以免而仁漢遇害氏方三十歲撫孤守節四十餘年兩孀均於咸豐九年 題旌彙采縣志汪志

休甯臨溪程文煌妻孫氏休甯陽湖孫揚清女文煌字履輝號王子于順治乙酉遠遊閩粵兵燹道梗存亡莫問己丑春有族人自蜀中歸云文煌以丙戌年授西川經歷赴任途次遇賊歿矣時孀姑在堂孤子章基僅五齡仰事俯育備極艱苦及章基

南潯志

卷二十四

列女一

十

長賈于湖州遂迎養于湖康熙甲寅遷潯戊午秋感微疾預定死期及期而卒異香滿室者三日年六十一章基扶柩還葬休甯與其父衣冠合窆黃周星爲撰傳沈三曾撰墓志章基有述

哀詩八章翁燧爲跋

汪志

咸豐九年

題旌

縣志○按他處人寓潯者舊志或載或否

今一例載入不復分析後仿此又文煌爲殘明殉難之臣雖身未至潯而藉以附見故特詳其字號仕履寓闡幽之意焉汪志

莊明揚妻潘氏年二十六夫亡含殮後卽吞金不死復絕粒妯娒勸之幡然曰父母歿而無兄弟我死誰營窀穸乃復飲食出簪珥衣服鬻之以卜葬其父母歸拜夫靈見妯娒強爲歡笑俟夜靜闔戶自經時年三十四雍正十二年 題旌

監生莊之琳繼妻沈氏給事中沈士茂女年二十二夫亡撫二歲孤成立家貧連遘舅姑之喪殯葬盡禮當潯溪寇發時里人

咸奔竄氏獨守孤閉戶日寇至卽死此耳去將何之卒獲免守節三十八年朱鶴齡温睿臨並爲撰傳祀府學節孝祠汪志

廩生紀志光妾張氏康熙辛未志光亡氏年二十七志光妻温

氏年三十五張依正室茹苦勵志共撫嗣子言成立温守節四

十二年張守節五十二年汪志

姚烈女姚家埭人孫燮烈烈女詩吳有思聘妻雍正癸卯年二十一汪志

結縞有日夫遽殂列女詩聞訃自躍墮樓家人救之卒不食死汪志

後人罕有知之者越百餘年列女詩有思從孫汝雯爲賦貞女篇

里人孫燮爲賦烈女詩祀府學節孝祠汪志

生員丁夢暲妻蔣氏監生蔣儀仲女順治戊子夫亡遺孤洪祖

甫週痛欲自經數以救免既而日未亡人去孤誰撫於是以撫

南潯志 卷二十四 列女一 七

孤保家泣血自矢洪祖早卒復撫三孫成長時有兩世喪未葬

葬之以成夫志康熙十八年卒知府胡瑾給扁旌獎董漢策撰

傳毛際可作旌揚節孝錄序祀府學節孝祠汪志

朱念紹繼妻王氏仁和王羽妹念紹烏程廩生康熙癸卯以史

案牽連得禍氏例當發遣卽買一小剃刀佩腰間以眷戀幼子

未引決及幼子殤有強暴欲窺之者氏引刀自斷其喉血流被

體見者驚走越日卒過其門者皆目爲王烈婦家前妻之子駿

肇負骨歸葬祖塋之側祀府學節孝祠按念紹卽朱佑明之長子汪志

莊孺人字輯里温方其爲婦也夫已病疴以莊母病卜贅壻吉

旣成婚莊母不起夫歸就醫且赴試未幾卒孺人猶女子也翁

憐之勸之嫁孺人以死誓歸於温家四壁立早夜勤女紅於淒

淒一室中爲其翁所稱聞不聞人聲者二十三年康熙甲寅二月三日卒享年四十有三宗族鄉黨無不哀之謚曰節孝

溫棊忱莊

孺人哀詞

莊濟妻王氏名錫蕙字樹百吳江處士王錫闡妹也濟字日鱗本南溇莊廷鑿之子年十三入泮以文名聘錫蕙未婚以家禍戍瀋陽錫蕙誓不更字日夜涕泣求死母吳護之得免其戚震澤沈謙哀之爲子身走塞外設奇運策卒歸其夫而合配焉濟贅錫闡家乃改姓王潛心正學於身心性命頗有所得卒年五十二著半硯齋詩文集錫蕙性淑敏能詩文錫闡以精算學名兼會中西之術各取所長益以心得世推絕藝錫蕙得其指授亦通天文推步勾股算法婦女中所罕見也有倡隨集五卷

縣志

南溇志

卷二十四

列女一

三

史案發難時松江乳母朱姓或曰謝姓曾以珠籠匿廷鉞三歲子繩武遁跡松江與其夫紡織以爲食後莊氏求繩武歸及長思報乳母夫婦恩竟不可蹤跡

湖濱襟記

王贊匡繼妻吳氏吳有雋女

汪志

年二十二適王生子高升甫踰

年贊匡歿前妻子高明纔毀齒世以醫爲業無儋石儲氏俯仰危苦供舅姑菽水提抱孤雛目營手幹閱十年而舅卽世姑耄且病困頓牀第氏持匕箸進飲食卧起扶掖身自浣滌無形無聲息息與姑意屬俾罔異康甯者又垂十年而姑棄養積鍼頭綫尾之功爲高明娶婦居無何婦夭哺遺孫再娶婦復夭再哺遺孫內行淳備

曹大斌王門完節吳氏傳

守節二十五年

汪志

贊高繼高祖母

張氏婚十八日而寡守志六十四年而被旌

吳氏傳

編修夏開衡妻姚氏吳江泮溪姚紳女年二十三歸開衡四年
生子女各一開衡官翰林氏留家子殤氏爲夫置妾携幼女同
至京而女又殤開衡亦疾作瀕死屢顧氏哽咽氏泣曰果有不
諱我誓不獨生及卒氏閉戶投繯旣而曰吾死如靈輒何因扶
柩而南過淮之日市白綾手縫命服復買命婦冠返故廬入拜
舅訣曰氏夫亡無子只有一死耳舅命以叔子爲嗣答曰誠善
然長養成立在叔未亡人何能爲舅令家人守之氏乘隙服冠
帶自縊死知府唐紹祖知縣王懋訥給扁額沈近思金梅曹大
斌並爲作傳謝洲作烈婦篇祀府學節孝祠汪志
紀又紘妻吳氏雍正乙巳年二十七夫亡撫又紘兄又純次子
武魁爲嗣守節二十四年又純妻童氏又純卒時二子文魁武

南潯志

卷二十四

列女一

十三

魁生甫五月童氏偕孀姊共矢柏舟俾兩兒成立童氏雖中年
守志其苦節亦不可泯沒也汪志

胡氏德清諸生廷最女年二十四歸烏程董士驥結褵未朞而
歿氏吞金絕粒百方覓死旣乃瞿然曰吾過矣吾不可死夫亡
而夫之子道未終奉舅姑以待季之立吾責也吾固不可死遂
衣粗食澹主中饋事舅姑惟謹而夫弟仲士驥出後叔父季士
驥旣壯生子嘉言舅命撫爲嗣未幾姑卒又數歲嘉言所生父
母相繼卒無何舅又謝世值戊子己丑大祲凶喪洊臻氏盡瘁
支吾與嘉言形影相依者十年嘉言始娶婦氏曰前者生無以
生死無以死今後以畢餘年下見吾夫子於九原無憾矣雍正
己酉嘉言將爲母舉七十壽觴氏曰吾以是日生汝父以是日

死五十年來每當是日不勝悽絕忍言壽耶曹大斌節母胡氏傳

紀氏十有八歲歸梅軼倫姑方嚴厲不以婦弱稍假借氏上承

下接惟恐弗當姑意井曰烹飪紡織鍼帶畢萃厥躬無絲毫怨

懟見於顏面曹大斌紀氏畫像記年二十四夫亡汪志無嗣撫小姑子楫愛

如已出俾老姑有含飴弄孫之喜以忘其榮獨姑歿數年而氏

歿壽六十畫像記苦節三十六年汪志

監生董紹宗妻金氏內閣中書金秉樸女潯溪詩徵少學詩於族兄

梅亟稱其瀟灑有林下風氣董氏詩萃著蘭玉軒稿詩徵

董三鳳妻金氏吳縣金天章女潯溪詩徵嫠居年未四十持門戶撫

三孤不愧懷清華日南金氏小傳有綠窗閒詠一名吟香詩草詩徵貞燕

離鴻音節淒婉見者傷之府志

南潯志 卷二十四 列女一 四

長蘆鹽運使董承勲妻徐氏石門監生徐行灝女潯溪詩徵詩有意

度惜年三十三歲卒未竟所作董氏詩萃

錦州知府潘尙仁妾蘇始芳字幼馨號心石又號筠綠居士山

陽諸生亢生女潯溪詩徵著筠綠賸稿有瀕危口占與夫子訣別八

首末云指上玉環如可驗他生重得侍章公趙虹作賸稿序謂

越十六年尙仁娶得沈大家詢其誕彌日時卽蘇姬卒之日時

言貌舉止亦與前身酷肖癡情偶結竟獲再生詩言遂成讖語

乃知齊諧志怪不盡無稽也南潯備志

孔繼光字德隱號范湖散人桐鄉人監生夏祖勤妻年二十八

夫亡撫孤守節三十六年學政李宗文給匾額縣志乾隆三十一

年 題旌汪氏幼讀書明大義能詩事祖勤病時徧搜醫家言

因粗通其術姑病傷寒處方飲以藥而痊著有詩稿縣志

龐氏烏程龐超倫女年二十一歸同縣邱元文室邱稱令門顧

生計弗裕氏以女紅佐樵米得少紓舉丈夫子二長錫齡次錫

爵某年元文以疾卒氏痛不欲生重兩孤未成立責無旁貸勉

節哀為末亡人親操井臼至於織紝組紃事無大小必克勤無

怠嘗夏夜苦蠱納足簪中避之未嘗釋刀尺雖精力殫瘁勿恤

也其鞠育藐孤以慈母而兼名父良師所為教乃至出入顧復

寒暑噓拂恩斯勤斯尤無微弗至其後錫齡以市糶致高資氏

撫今思昔慚有合於持盈保泰之微情而以不溢守富為訓節

尤必躬行節儉為矜式餘慶所鍾有孫九人寢昌寢熾氏以大

德躋上壽乾隆四十九年旌表節孝五十六年奉勅建坊

南潯志

卷二十四

列女一

五

於東牖下塘其子婦莊氏樸實任勞有君姑之風椎髻操作如

孟光之在春廡是亦婦德所難也朱祖謀邱節母龐淑人傳

姚益敬字元吉歸安生員姚世鈺女適扶溝知縣南潯董豐垣

益敬幼時父但教以孝經女誠等使通大義縣志以文翰非女子

事未嘗教以詩而益敬竊學之詩即清婉嘗誦木蘭詩問父曰

朔氣傳金柝寒光照鐵衣着色實為大雅若鋪排過多恐近小

說府志父大奇之有芬陀利居小稿厲鶚撰序以歐陽公目謝希

孟有古幽閒淑女之風為比縣志

董琴字嶧蘊生員蔡雲妻南潯董陳亮女縣志奉孀姑盡恭順相

夫能規以正教子女亦有法董氏詩萃夫婦皆能詩夫中年歿琴銜

悲茹痛遂爾焚筆越六年亦卒所著無閨閣綺靡習氣縣志見董

氏詩萃中者尤蒼老著有靜吟集府志

吳年字古春號雪庭縣志郎中吳聯珠女潯溪詩徵歸安前邱人縣志同

知董啟埏室詩徵年之弟名蘭庭博學多才世所稱胥石先生也

故年亦有才學著雪庭遺稿蘭庭爲之序縣志

溫中黃妻葉氏三十歲夫亡苦節三十年溫翔伊妻周氏二十

五歲夫亡苦節三十七年溫似蓮妻董氏二十九歲夫亡苦節

二十六年妯娌三人甘貧守志孝事尊嫜撫孤成立稱爲溫氏

三節縣志

張鴻案妻倪氏事舅姑以孝稱家貧藉紡織供甘旨鴻案遠游

不返仰事俯育備極艱辛晨起操作晚猶篝燈課子女蚤夜勤

苦數十年如一日迨年七十餘家已小康猶必躬親瑣事自奉

南潯志

卷二十四 列女一

六

儉約非賓祭不特殺未嘗入廟燒香嘗曰我非不敬佛第一日

拜佛則廢一日正事且積數日之操勞供一日之耗費恐神佛

反見責也其達識如此董王錫張母倪太孺人傳

沈文聘妻董氏訓導董正誼女幼許字未婚隨父之任溫州年

二十一文卒訃至吞金誓死父母許以歸沈守志始得救解時

文有老母以哭子喪明族黨恐氏歸重傷其心乃素服毀妝守

貞在室越五年姑亡氏自溫州奔喪立姪清震爲嗣氏母嘗遭

危病醫禱罔效氏籲天割臂肉作羹以進母病得愈是夜清震

在家感異夢有神告之曰汝母以孝傷臂當療以硃砂血竭凌

晨齋藥至則割臂之事尙無一人知也藥敷創口應手而合至

孝感神遠近歎異當伯叔析箸時割產以授則堅辭之日以是

畀我殆以我爲分產來耶一無所取守節四十一年乾隆十五

年 題旌

汪志

生員潘潤之女適吳江平望王玉成乾隆戊子年十九夫亡遺孤甫睜孀姑在堂玉成兄弟三人伯以貧故就食於外仲惑婦言不能孝母姑就養于氏仲又諷氏他適氏號泣不食仲亦惻然而止貧甚葦席遮門又值大水拮据奉姑自食糠粃榆屑鄰有褚某重其行謀聘爲繼室媒之不可乃重賂其父授以金珠一篋父往見氏而難于辭說出金珠示之氏覺其意碎篋痛哭父慚而退褚益重之復啖其弟詭稱母疾迎氏歸母與姑姊妹日夕說誘氏憤甚疾趨而歸弟急棹舟追送之行已十餘里矣自是不復返母家終養老姑撫孤成立凡苦節數十年

汪志

南潯志

卷二十四

列女一

七

程某妻陸氏陸受祺女年十九婿以病篤議婚父母難之氏恚曰果若是則夫未死而先有死其夫之心矣何以事人父母躋之倉猝成禮三日夫卒喪葬如禮顧以貧依母而母家亦貧鍼耑自給爲夫立嗣苦守至六十一歲卒湖濱張峯之撰傳

汪志

監生沈方安妾欽氏吳縣生員欽義方女幼讀書嫻內則方安妻早卒年逾四十子若孫又相繼夭折遂納爲妾欽氏年十七越數載舉女二欽乃還吳將再買妾得同邑曹氏女遂聘以歸方安不肯留曰得子遲早有命何多置妾爲欽自託有隱疾強而後可甫半載方安病卒曹有去志欽涕泣勉諭且言果肯守志偕老願折節奉侍終身曹爲感動乃止旣而家漸落凡炊澣鍼耑之事欽皆身任其勞不以煩曹也未嘗有怨色嘗語人曰

我但知爲沈家人耳使後有承祧之孫家無再醮之婦幸矣繼族姪之子爲孫名曰承宗曾孫猶及見也曹病革欽年已老復遭鄰火移居于鄉益貧且患瘡然待曹湯藥仍不少懈曹旣歿欽曰彼節已全我心斯慰矣卽亦繼逝相間僅晨昏耳汪志沈斗南妻陳氏秉性堅潔紡績惟勤范志年二十四夫亡孝事舅姑撫孤守節七十一年當八十歲時病劇夢父母授以鮮桃二枚食之甘芳遂愈又十餘年無疾而終乾隆五十二年 題旌

汪志

建坊在潯西嘗宇五圩

范志

監生潘祖德妻溫氏監生溫省方女年二十六夫亡撫五歲子晉鼎成立娶婦子又卒孤孫亦殤立姪孫爲嗣助媳閔氏守節者又十餘載卒年六十六乾隆五十三年 題旌汪志

南潯志

卷二十四

列女一

六

陳烈婦紀氏鎮洋縣學生陳濂繼室烏程紀晃辰女也幼聰慧解書史年十六喪父弟在髫齡百務紛如婦佐母持家政井井有條理濂適喪偶聞其賢遂委禽焉濂先有一子一女婦入門撫之如己出事姑盡孝和于妯娌家人咸得其歡心踰年濂赴試崑山得疾歸病甚婦泣曰妾去家四百里而托于君君苟不諱焉置妾也請先死以絕君慮濂領之婦卽持錢數枚欲吞家人奪去之翌日濂卒婦視含殮畢闔戶自經急救得不死又自樓上擲下已絕復甦母曰兒有孕倘生男爲夫更延一脈何遽死爲婦沈思良久曰此言是越數月婦產女也婦欲死而家人守之守稍懈竊出自投後園池中竟死孫變陳烈婦傳乾隆五十九年

題旌

汪志

丁貞女名漱六居丁家港父麟乾隆甲戌進士知廣州之賓州側室陶生貞女于署父卒貞女纔六歲隨母扶柩還里及笄字歸安監生戴璉爲繼室璉落魄不事生產伯兄璐官太僕寺少卿往依京邸久不能歸伯兄贈之金使歸娶璉出都又爲他事耗去竟不能娶故貞女年踰三十而未嫁未幾璉客死山左貞女聞之慟哭欲自經者再家人救免自後毀容減食常獨坐一室鬱鬱成疾竟卒年三十五

孫變丁貞女傳

監生蔣士鈞女嫁許某不數年夫亡氏瑩瑩子立年僅二十六歲繼姪孫爲孫氏撫之如己出及生曾孫文照又撫之嘉慶六年孫又下世氏不食者數日是年文照乃爲題請旌表旨下氏謂文照曰爾父在日屢欲爲此我不許爾今以館食營生

南潯志

卷二十四

列女一

九

能有多金幹此事泣下久之旋卒年八十七

節范志

謝恆若繼妻徐氏徐冠英女成婚三月夫亡投縊七次並以救免越百餘日卒自經以殉嘉慶十年

題旌

汪志

計元夢妻吳氏監生吳繼成女乾隆壬申成婚時夫病已篤越五十日夫亡氏絕食投縊並得救解後母家欲奪其志遂於除服之次日伺隙自經死嘉慶十四年

題旌

凌樹屏撰傳汪志

箋四圩李世華妻程氏程廷揚女早寡孝事舅姑撫孤子龍光龍光妻蔣氏蔣心榮女夫病革氏割股啖之不效夫卒視含殮畢潛赴後園躍入池水死年二十二學政汪廷珍給姑貞婦烈扁額嘉慶二十二年與姑節孝程氏並

題旌

汪志

顧氏姑蘇人

府志

嫁爲本里某氏婦有縣役某催科至其家見而

豔之伺其夫遠出突入內室以手撫其頸氏大驚旋泣語小姑曰此頸忽爲男子手所加豈可洗乎卽縊死越兩月役偶乘舟過溥忽見氏上其舟役告舟人曰吾前日不過手摸其頸何遽死乎遂發狂投水適遇來船縈纏于項不能解立時流血死舟人揚其語聞于小姑事始白錢泳記其事

注

沈氏少鬻爲本里溫氏婢性不慧恆受人鞭撻父亡母謀改適氏號泣諫不能止其姊有二子夫死亦適人遂與姊絕長嫁本里某氏夫有田二畝耕以自給生一子而夫死其夫兄利其田逼之他適氏曰我豈忘號泣諫母時哉況我有子在將焉置此踰年子患痘劇求夫兄召醫不應遂死又逼之曰我豈以子故易初志哉夫兄乃棄其二畝田不爲耕氏苦不得食長號二十

南溥志

卷二十四

列女一

三

日餓死明年新穀升夫兄方餐忽投箸呼曰汝何得食此二畝田遂自搯吭而死張士元記其事張海珊撰傳

注

蔣麗天妻倪氏震澤舉人倪樹枚女嘉慶庚申年二十九夫亡守節四十五年善畫花卉人物嗣子莖僅周晬撫育及成婚皆出鬻畫之資

注

丁氏丁斗南女適吳江六都孫麗輝爲繼妻合卺之夕夫忽邁異疾數日而卒氏撫嗣子矢志姑徐氏病刲股作羹療之苦節三十年

注

朱某妻張氏震澤吳溥張寶成女夫喜狹邪又病狂易氏撫子女事夫無失禮姑遇之甚暴見子不肖家業日落又惡人言其子之短遷怒於婦氏雖屢遭辱責無怨懟孝養益謹里黨稱爲

孝婦沈姦爲記其事

汪志

高氏雙林沈世煌妻結禱甫一周世煌患血疾氏割股調藥不效投縵於空舍家人救之免逾月世煌亡卽自縊死

雙林鎮志

李貞女許字雙林梁氏子先是梁氏子聘女之胞姊姊死其父母以愛梁故更以妹字之結縵有日矣而梁氏子病瘵死女聞訃慟不食父母慰諭之不解越三日投縵死

雙林鎮志

烈婦沈氏父鍾璜母張氏適震澤文學吳榕翁刺生三子溶其長也姑倪氏已歿始烈婦將生母夢雪壓竹晝然如雷裂而醒年二十歸於吳越三載無子夫亡叔幼未婚嗣莫定七終自縊以殉方其夫患喉風烈婦籲天請命屬續後未成服先以白布纏其首烈婦語分裂者曰須五尺旣朝夕臨奠不下樓惟小姑

南潯志

卷二十四

列女一

三

得以登視母家以二嫗伴之視其手製衣履黯然無語終七次日使一嫗焚香於廟餘一嫗始具湯至日將濯足小姑與嫗俱出遂掩戶久之嫗皆至叩之不應共抉戶以入則烈婦已自縊而氣絕解其懸卽前此五尺布耳

刑典烈婦沈氏傳

大書一十八字曰

傳 婦有夫弟奉晨昏夫無遺孤藉撫養不死何待置奩側

張海珊吳烈婦

衣五襲層層結束整齊而不亂履則履墨蓮而其髻盤旋如

故顏色不改含之則米一茶一白金一已先自含時嘉慶己酉七月晦日也年二十有三距榕死凡五十三日

張傳

高士奎女適歸安雙林沈漢標夫病割股以進不效及夫卒誓以身殉屢縊屢救後防稍弛竟縊死距夫亡八十二日年二十

八道光八年

題旌

汪志

温坤聘妻范氏監生范徵潔女名瑞珍未嫁夫亡父母祕不使知逾年始知的耗矢志欲歸温室頻死獲救者數次旋以哀毀抑鬱成疾卒時道光庚子年二十一温氏迎其柩與夫合窆董

恂撰傳汪志

丁起堂妻沈氏馬家港沈中復女汪志母華氏艱於子所生惟氏

少時慕北宮嬰兒子之風欲不嫁以養父母父母不許年二十

三適起堂起堂父麟廣西賓州知州居官廉罷官卒于粵家無

甌石儲先世遺田甚薄不足供饘粥氏入門時姑亦先卒唯起

堂生母陶氏存起堂以貧故業賈吳門得疾不能歸氏偕其父

匍匐往視之籲天請禱醫治百端竟不起氏慟哭欲以身殉夫

父以養姑責之乃已氏善女工晝夜操作罔倦頻遇凶年已食

南潯志

卷二十四

列女一

三

糠覈而奉姑陶氏食必以粿又以餘力養己之父母凡事姑十

五年而姑卒喪葬如禮又葬其夫貲皆出自針黹之所積數畝

之田卒保如故立夫兄子預年為嗣夫祀得不乏皆氏力也雙孫

丁氏雙節坊記族孫源妻沈氏汪志太學生鍾璜女年二十適源源夜讀

氏紡績于旁一燈熒然常達旦不寐源試不利父母督過之氏

婉言以解始得霽顏嘉慶丙寅源父卒源長號連晝夜不止痛

鬱於中遂成瘵疾病中多恚怒氏愉色婉容多順適其意疾年

餘竟卒子桂纔六歲女四歲姑年及六旬瘠田二十畝先世棄

置之餘歲入僅足供租稅氏以一身支撐門戶養老撫孤桂少

多病醫藥之費不貲姑年至七十餘卒荒歉之餘甍勉以供大

事又娶婦嫁女凡百所需皆仰給於十指或憫其貧勸令子桂

學賈冀得微利氏曰丁氏之先雖無顯仕然世守儒業名在學官今吾子廢學其若先人何故桂雖獨子氏督課之甚嚴及桂爲弟子員氏心稍慰桂好攻古文辭或言非科舉所宜氏曰丁氏先世皆攻時文而科舉不得一當可知窮達有命非人力所能爲也子苟學古有得雖終身不遇亦有榮於所生況未必不遇又何用屑屑揣摩時尙求速化之術爲其達識如此孫起堂妻年二十九夫亡守節三十六年源妻年二十七夫亡守節三十三年汪志例合旌表孫記道光二十一年汪志得旨建坊如制題曰雙節里人孫燮爲之記孫記

生員紀峻女適馬要張鳳池年二十二夫亡無子撫姪爲嗣氏欲殉夫自盡者再父以大義切責乃止孝養孀姑喪葬成禮外

南潯志 卷二十四 列女一

三

侮疊至氏每藏短刃於枕傍以自衛數十年如一日年七十餘

道光十八年 題旌汪志

姚松年妻李氏李象榮女道光辛卯年二十四夫亡撫嗣子守節孝事翁姑生養死葬或勸以事佛祈福氏曰命由天定佞佛

何益生平不入寺廟年五十餘汪志

監生姚泰交妾尙氏蘇州人泰交以無子納之嫡妻褚氏御之過嚴氏無怨色嘉慶壬戌氏年二十八泰交卒撫所生五歲子成立事褚尤謹守節三十一年道光二十三年 題旌丁桂撰

傳汪志

潘節婦烏程樓下農家女同縣丁家港丁大奎之妻也節婦十歲爲養媳迨長與大奎婚年二十八而大奎歿時節婦生子鳴

鶴未百日大奎家世賃田而耕歿後以田歸其主遂無所得食或勸其改嫁則噉然哭且罵曰肯以一婦人而嫁兩夫乎日抱其子乞鄉間夜則爲人紡績或雨雪不能出門預留飯食其子而已則忍餓如是十數年後子稍長能爲人傭耕乃不復乞然其子生長困餒之中力弱不能耕五畝終歲勤作僅供母子飢粥以故鳴鶴終不能娶婦節婦常以此爲恨苦節四十一年卒年六十有九

丁桂書節婦潘氏事

道光二十五年

題旌

汪志

金邦禮聘妻方氏增生方郁女幼失恃育於繼母繼母病刲臂療之以孝女稱道光甲申年十八將嫁而夫亡聞訃卽不欲生父母力勸止之越三年縞服歸金守志撫姪爲嗣卒年三十二道光三十年 題旌孫燮撰傳

汪志

南潯志

卷二十四

列女一

十四

張其昌妻金氏嘉慶壬申年二十三夫亡無子苦節母族諷以再嫁矢志不從有無賴子夜叩其門誑以母病垂危氏不爲動至天明始啟戶其詐遂敗道光三十年 題旌

汪志

華氏華景墀女父病劇氏刲臂以療父無子誓不適人父母知其志因招金豫豐爲壻壻不諳生理家益貧針黹以養父母歿竭力營葬親爲負土道光三十年 題旌

汪志

薛氏薛漢升女適震澤橫漾墩孫梁選年二十二夫亡無子翁諷之改嫁且盡取其資裝使不能自存乃歸母家以針黹自給苦節四十一年董燠撰傳

汪志

汪曰霖聘妻陸氏山陰人仁和籍知府陸藻女卽曰霖姑女也道光丁亥年十八未婚夫卒聞訃卽矢志求死父母力爲勸解

遂縞素長齋誓不更字年五十餘

汪志

某氏李某妻居西柵石家街口翁康源業銀匠夫早亡氏守志後翁姑微示奪志之意遂投水死時道光己酉方大水其尸倚岸挺立急流之中不仆亦不移人傳爲異

汪志

邵錦坤之子婦曹氏夫敗檢翁客死湖廣無以爲生氏乃爲傭媪得值以養姑夫詭言氏母病亟以舟載氏往母家及至則非母家也駭愕問故始知爲夫所鬻夫已鼓棹徑去氏欲投水爲人所持乃因其勸慰佯爲歡笑伺隙卽日縊死時咸豐元年氏年二十餘

汪志

邑庠生朱杰字硯生方丈港人娶南潯鎮李性川女爲室道光辛巳硯生病卒氏年二十有六上事翁姑下撫遺孤辛勤備至

南潯志

卷二十四

列女一

三

孤至三歲又天再撫嗣子成人氏治家嚴肅終其身不與親族男子交談宗族戚黨咸敬憚之守節四十年而卒咸豐朝旌表乃建坊於九里橋西五指東壩與其夫合葬之墓前

朱氏家譜又

吳氏西莊村秀章女嫁方丈港監生朱芝田道光甲午芝田卒氏年二十有三無子當夫故大殮後焚化冥鏹時氏投火兩次幾不及救踰時始甦青年矢志勤苦自安撫嗣子成立守節四十年未經旌表

同上

姚家灘從九品姚永貴繼妻鄭氏震澤從九品鄭大純女成婚未暮夫疾革屬纊時氏潛吞鹽滷及眾覺救已不及遂與夫同時死時咸豐癸丑九月二十日年二十四咸豐四年

題旌汪志

監生王承霖妻盛氏震澤五界亭監生盛元鎔女父早卒事母

至孝母病刲股和藥以進遂愈後又病復刲股竟不效咸豐甲寅年三十夫亡茹苦撫孤哀毀成疾越三年卒汪志

徐茵字湘生號古薌府志又號南林女史蔣寶齡墨林今話生而敏悟祖

愛之教以經史過目成誦馬要沈宗騫以書畫名東南茵從之

講論學日進孫燮古薌吟稿序適歸安武生莘開府志開居郡城蓮花莊

亦宗騫高第弟子夫婦偕隱惟以文章筆墨自娛片紙流傳人

得之珍逾拱璧一時歆羨以為不減趙文敏管仲姬云吟稿序開

早卒茵事姑撫子荼苦萬端姑卒喪葬如禮未幾子亦卒茵子

然一身府志藉畫以自給其畫絕去脂粉幽秀可喜蔣寶齡墨林今話詩

氣清而格穩抒寫性靈多自得之趣極人世不堪之境而不以

損其天吟稿序年邁猶能作小楷府志畫著色山水談詩終日不倦

南潯志

卷二十四

列女一

三

吟稿序卒年九十餘府志

溫純妻嚴氏名文字淑暉幼聰慧善吟詠年十七歸純純謂之

曰能畫而不能詩畫即無韻能詩而不能畫詩必無神遂潛心

學畫不數月而能花果其病起一絕云蕭蕭秋雨織煙絲遍繞

窗前簾幙垂如此輕寒禁不得莫嫌病起曉粧遲惜不永年僅

十八而卒純繼配吳氏名德韞字恆卿能彈琴工墨蘭純嘗篆

花中疑有曲絃外欲傳神句以貽之蔣寶齡墨林今話純三娶徐氏名

孟賢善書為梁同書所賞謂其可造工詩有理琴閣稿純歿時

徐年二十九守節五十三年妾王氏從徐守節縣志

生員吳錦江妻李氏孝翁姑處事能持大體三十無子為夫買

妾女紅之外時為口講女訓嫡庶如母女妾生子愛如己出辛

勤操作延師課子夫故家日貧親族有助以資者婉卻之曰人須自食其力論者無不欽其賢淑

縣志

諸生董慶槐妻汪氏候選主事尙仁女名懋芳字蘭晚

詩溪父

喜詞賦命諸女讀書習吟詠惟蘭晚最慧迨蘭晚歸董氏父棄

養遂輟不復爲戊子蘭晚稱未亡人老懷慘怛始曰吾少時好

爲五七言近體非矜輦悅蓋以博堂上歡耳故三十餘年人無

知之者今欲藉此消遣自是晨夕苦吟楮墨遂夥甫閱數載而

遽永訣矣其子恂錄成一帙

趙棻序

爲壽花軒詩略

詩徵

趙棻字儀姑一字子逸號次鴻晚號善約老人上海戶部侍郎

秉冲女適批驗所大使汪延澤節婦金順之孫婦也生而有文

在其手曰文性耽文史長於議論幼卽能詩詞長乃爲古文及

南潯志

卷二十四

列女一

七

駢體女紅之暇常手一編尤喜讀通鑑論史事多特識創議出

人意表

縣志

天性高朗有丈夫風骨

陸以恬冷慮雜識

曾評註溫氏母訓

每舉以教人其課子以求根柢近耆舊相勗嘗曰古云求忠臣

必於孝子之門吾謂取友亦然禮爲人子者出必告反必面不

苟訾不苟笑此小節耳求諸當世已不易覲無惑乎益友少而

損友多也門內之行不修則雖貌爲直諒自詡多聞皆矯飾而

已勿與友可也其持論之切於事理類如此又通醫籍藥性傳

方施藥療人多效有瀘月軒集七卷

縣志

延澤長女曰采字伯荀

號于繁華亭袁修瑾妻承母訓嫺吟詠有醉愚軒詩稿次女曰

杼字七襄號絢霞桐鄉嚴錫康妻亦工詩有雕青館詩草

詩溪

湯祖訓妻蔣氏蔣堂女幼時善事父母于歸後有賢淑聲同治

丁卯祖訓疾革氏涕泣不食數日祖訓氣絕氏卽吞金以殉氏死而祖訓忽復蘇後一日乃歿

縣志

孫錫琛居潯溪咸豐庚申紅羊劫起挈家避輯里村祖塋山莊迨癸亥二月下旬粵匪猝至倉皇之間無舟可覓次女年十八已許字同里夏氏三女年十三未字次女懼爲賊辱至祖塋側北潯河畔赴水三女不忍其姊獨攖厥難相隨以殉越旬餘賊退出其尸面如生里人驚歎嘉其貞烈郡城克復後其父復繪潯溪雙烈圖求題詩文以表彰之

雙烈圖事略

李思周妻黃氏工鍼帶藉十指以供薪水俾思周無內顧憂無子生三女皆拮据以嫁咸豐十年浙省戒嚴里中咸他徙思周巷戰被戕氏罵賊不稍屈賊怒揮以刃罵益厲賊縱火焚屋氏

南潯志

卷二十四

列女一

三

死之時庚申六月十二日也族人世元妻黃氏氏從姊妹行性柔婉平居無疾言遽色庚申六月世元被掠黃氏朝夕啜泣目盡腫辛酉二月三十日賊復至投水死世元妹二姑亦投水死

李氏宗譜

朱烈女南潯人咸豐十年六月粵匪犯潯被掠盡褫衣禪終大罵不辱身受九刃棄尸於水次日賊退父母覓尸殮之面如生瞋目切齒猶作罵賊狀傳爲奇烈同鎮溫文俊女投水死兩肩亦各被數刃又有沈祖培妻張氏同治三年爲賊所迫堅不受污身受三刃並剗兩乳死

縣志

生員沈思藻妻嚴氏咸豐辛酉夫被擄屋宇皆焚氏歸驥村依母家紡績自度朝夕焚香祝夫回里同治甲子官兵收復府城

浙江漸次肅清夫終無耗氏度必不返遂絕粒死年二十七

縣志

張貞女南潯施敦裕聘妻張兆南女咸豐辛酉敦裕罵賊不屈賊支解之時女避難上海聞訃吞金二次均以救免繼以姑老乏人供養遂于歸施氏姑病危割股以進得痊布衣長齋紡織養姑撫姪爲後教撫恩勤一如己出

縣志

後居塔院院久荒廢僅存頽垣壞壁貞女爲募資重建蔚爲精藍法名妙貞居院終老

采訪冊

許兆熊妾錢氏南潯人避寇寓居菱湖咸豐十年兆熊病篤奉侍湯藥衣不解帶者月餘兆熊卒氏潛服毒嫡子及孫競爲解救氏誓不復生但囑曰賊氛未靖治喪畢宜速葬先骨少頃而死

縣志

南潯志

卷二十四

列女一

三

廩生紀七襄妻嚴氏洞庭東山太學生嚴鏡池孫女粵亂遷震澤之大廟港匪至倉皇出走子女各奔竄或已被擄氏知事急乃憤然一躍投身于河旣死無以爲殮越十餘日七襄友席蓉塘聞之始代具棺殮攜歸洞庭東山時年四十有七殮時顏色如生又紀承瀛字都仙與七襄爲族昆弟妻潘氏庚申之變其家閉戶潛居匪亦不及入秋匪又至仍不出走謂可倖免豈知是夜焜其前樓壞大門入遇承瀛弟承陞索金不遂戕之登樓見夾牆有人遂擄承瀛及弟承杰子秉璋以去氏潛身出門投

御書閣前河自盡時年三十

紀嘉記二烈婦事

袁烈女南潯吳玉亭家婢感主母德不願適人咸豐辛酉幼主將爲賊擄女力爲捍蔽幼主得脫女不及遁投水死時年五十

五得其尸於真清壩橋主人義之爲葬於東遷飫三圩立碣以誌縣志

王錫瑞妻鈕氏湖府學附貢生恩卹世襲雲騎尉鈕福蕃女婚甫一年夫亡氏痛不欲生誓以身殉時方姪家人勸以大義且密防之後產一女氏自爲哺乳視若坦然日久防懈遂自盡王氏家譜同治七年也縣志旌表如例王氏家譜

周寅亮妻沈氏江蘇震澤平望人太學生沈巢峰女寅亮懋遷常外出氏以婦兼子職堂上定省朝夕飲膳必躬必親許國年傳人指挂門戶內外井井金和沈太宜人傳以故寅亮無內顧憂道光辛卯秋寅亮抱病卒子昌福僅八歲許家綦貧傳氏下撫遺孤上

事尊嫜縣志刺繡紡績以資生計許傳日用瑣屑金傳專賴十指拮据

南潯志 卷二十四 列女一 三

縣志無瘁容亦無憂色諸姑姊妹或勞苦之氏曰吾分也金傳湖俗信鬼婦女多入廟燒香氏獨不爲所惑嘗曰以嘉言懿行爲子孫講解可以身體力行因果之說未足憑也人服其識見之超

周良苗妻許氏儒家女相夫孝友脫簪珥陰行善事良苗卒生計頗絀譚獻許太夫人傳氏力貧撫孤教四子皆成立卒以勤儉起其

家鍾文蒸放生會記婚嫁畢氏綜家政力儉以率後人益好施子譚傳每歲生日鍾記輒取謙賞之費以賑貧卹嫠施湯藥沈秉成放生會跋或創焉或助焉垂十年不倦每事各費錢數百緡鍾記同治十三年年

八十子孫將舉壽觴治牢醴饗客氏正色曰汝曹忘先君樂善未竟之志耶未亡人倖致八十乃戕物命以供燕笑烏乎可立

斥錢五百緡創放生會約鄉里當生辰輒節費以聚生物放之
山澤迄今不廢譚傳

吳烈女吳縣人家貧鬻於南潯張姓為婢端重勤慎有大家風
為主婦所鍾愛馬要沈彬元聞其賢聘為室委禽甫半月彬元
以暴疾卒女聞耗毀容茹素有終守之志示意主人主人慮有
他變佯領之年餘復為議嫁女遂伺隙自經死時光緒五年閏

三月八日縣志

蔣壑妻吳氏下塘田吳楷女讀書知大義事姑錢暨祖姑王皆
能恪守婦道相夫以敬性仁厚生平無疾言遠色雖婢僕不加
呵叱好施與推解不吝咸豐庚申壑邁危疾氏割臂肉和藥以
進疾竟不起氏痛不欲生誓絕粒以殉家人百計勸慰之始稍

南潯志

卷二十四 列女一

三

進飲食從此不茹葷酒撫諸孤俱成立光緒庚辰冬卒年五十
七守節凡二十一年蔣錫祈先妣吳太宜人傳

周昌大妻董氏同邑董邦基女庚申寇亂楊葆光董昌大挈眷

屬避難由鄉而滬而浦中間關轉徙不常厥居氏襁負子女從

行備嘗艱苦天寒冰凍至跪船舷親椎冰供汲洗鄭傳笈董同

治紀元後浙江漸次肅清昌大出入兵燹間懋遷有無家略裕

周慶森董太宜人傳亂定歸里氏自奉儉約楊傳如食貧時鄭傳雖有婢僕

躬自操作楊傳性和平里黨內外皆稱為易親然課子甚嚴祁寒

盛暑弗令輟誦讀鄭傳五十歲後婚嫁都畢浣濯猶不倦諸子婦

效之且請少息則曰吾非不知今日之可以安逸而故為是也

誠欲使子孫知勤儉足以持久而奢惰之足以敗家也人情莫

不好逸而惡勞孰知耽安逸卽足以做其身傾其家耶吾雖老猶不敢存此念以做我精神則凡少者與夫老而未及吾者其可不吾若耶吾無厚望於子孫能守吾之勤儉以保其身保其家則吾願畢矣氏生平不苟言笑不佞佛不事鬼神而樂善好施歲糜鉅款無吝色病中鄰家索催生藥時已夜半強起檢與之其爲善不懈類如此楊昌熾妻沈氏桐鄉庠生寶賢女性靜穆無疾言遽色周氏家譜年二十歸于周無所出爲昌熾納窻室閨門之內雍雍穆穆無間言也有不幸夭折者遺女僅三齡撫之如己出有粵人棄妾年幼無所歸氏留爲義女擇婿而嫁之昌熾嘗客石門姚氏自姚氏中落貨白金五千及病亟與沈氏謀召姚氏子與訣而焚其券人謂非氏無此卓見其他率眾以儉

南潯志

卷二十四

列女一

三

御下以寬猶其餘事

楊葆光味六公沈恭人傳

溫晉妻周氏本鎮周良苗女晉卒氏年二十二遺孤善基生甫四十日家寒以十指自給常依外家事母盡孝母晚年得風痺疾四支不仁起居胥賴扶掖垂十餘年不懈迨善基成立又中年不祿氏時年六十有七媳又早死遺孫洪寶僅十三齡狼狽相依者又近十載至七十五歲卒撫孤兩代守節五十四年光緒十二年

題旌

周氏家譜

徐某次女曰珊姑母司中饋珊姑晨起輒蓬髮代母勞時弟病殆幾不起珊姑以弟之鍾愛於父母也禱于神祈以身代其時父亦病病方篤而珊姑且死年及笄未字珊姑以弟之故恐傷其父之心以至願代弟死其心之婉曲微摯藹然孝友固已彰

明較著也

徐延祺珊
姑小傳

劉保康妻陸氏震澤陸萬豐女婚未朞月粵匪掠南潯氏舅達
泉挈家避既登舟矣保康爲其師運家具出而復入寇大至不
得出遂失去當是時存歿固未稔也氏恐傷舅姑心制淚抑痛
若無戚容至宵深人靜則有哭無睡目盡腫旋失明同治四年
難平舉家返悉保康被害實耗乃招魂以衣冠葬撫叔氏子安
仁爲嗣每遇宗親喜宴衍衍稱賀氏嗒焉坐室隅不笑亦不言
人恆憫之己卯夏病篤日昨夢與亡人晤殆不起矣竟歿年四
十有三守節二十年光緒十六年 題旌劉錦藻叔妣
陸蕪人家傳建坊于

宗祠前

采訪
冊

董春齡妻萬氏萬生庭次女工詩善畫尤精女紅年二十三歸

南潯志

卷二十四

列女一

三

春齡孝翁姑睦妯娌伉儷綦篤光緒十六年二月十二日夫病
卒氏不語不泣形神若喪乘人不備仰藥以殉臨終進其夫兄
弟而泣曰翁姑雖年邁有伯叔在予歸董五六載曾不能產一
男以爲予夫一綫之續希望旣窮生亦奚爲翁姑當予亮至身
後若何伯叔當爲我料理之可無論已言訖而逝時距夫死僅
半日耳年二十有九

采訪
冊

李承初女蘊姑字同里吳能臣未嫁能臣死訃至家人祕不使
知時竊竊私語蘊姑覺之屢覓死不得旋以哀毀致疾卒年二
十四乃歸柩于吳而合葬焉

李氏
宗譜

生員邱培恩妻沈氏候選訓導沈善鈞次女性貞靜事翁姑盡
孝年二十八夫亡守志撫遺孤督責綦嚴雖處境豐厚而持家

儉約旋得心疾鬱鬱以卒年三十八光緒二十六年 題旌采訪

張輔妻周氏郡城周杏樵女年二十六夫以痢疾亡氏痛不欲生欲投繯自盡經家人勸慰以夫無昆弟況有遺孤且重闈在堂仰事俯畜義不可殉氏領之其長子方六齡次甫生十閱月含淚鞠育以至成人氏性亢爽而和以接物人無閒言守志三十七年宣統二年卒年六十有三采訪

李邦治繼妻張氏震澤庠生張古香女秉性和平宅心孝友吳

等壽婦睦妯娌撫諸姪人無閒言夫病翻胃侍湯藥操井日持邀恩稟

籌握算氏一身任之夫歿子廷賡已授室次光霽年十一氏勗兒輩銳志讀書勿分心家務米鹽瑣屑仍躬任其勞粵逆擾浙

南潯志

卷二十四

列女一

三

子先後被掠日夜倚閭憂愁萬狀越兩月乘閒脫歸氏喜過望後廷賡昆季補弟子員文名藉甚從學者眾束修所入藉以養親歷數十年門庭秩然子且兩鬢如霜而氏猶必澣濯躬親主持家政年登大耋神明不衰白頭昆季事必請命奉慈母如嚴父焉以年屆百齡光緒二十八年請於朝 旌表如例李氏家譜

謝書紳妻湯氏同鎮湯學濂女于歸甫逾月而書紳病病數月竟卒氏欲以身殉女黨察其有娠責之意稍回已而產一男卽慶麟也家奇貧藉女紅以養盛暑祁寒必漏盡始已道光二十九年湖屬大祲米價騰貴無以爲炊疽發於背血縷沾衣手紉針不輟見者憐而敬之次年姑病歿適歲除無可告貸盡典所有以成禮嗣避粵寇之難出生入死更無一日安慶麟商於海

上家漸起心稍稍寬然性習勞苦家政仍躬任之光緒三十四年卒年八十六夔居六十六年 題旌如例初書紳兄弟三人仲早卒長書元娶吳氏書紳卒後五年書元亦卒遺一子繼殤娣妯賴慶麟延一綫勞苦共之劉錦藻謝節母湯夫人傳吳氏同治二年歿年四十一歲守節十六年上海縣志光緒七年 題旌時有一門雙節之譽劉傳

湖濱王氏婢媵於鎮北張某家名愛姐逸其姓張夫婦早卒子幼爲撫養代綜家政迨少主長已娶婦乃居朝真堂焚修性和藹尙樸素居廟中誦經甚虔所履之磚成二足痕終身不嫁清淨以終卒年四十餘張氏子孫爲之歲時設祭焉又某氏婢名瑞香主婦卒後誓不適人潛修于朝真堂方李氏欲建此廟也

南潯志

卷二十四

列女一

三

瑞香與愛姐二人實助成之二人爲擊木魚走市肆中募資歷久不輟廟卒以成未幾卒於廟采訪冊

邢勝奎妻李氏年十七歸邢甫七月夫亡茹苦守志父夙擅岐黃術得其傳因以醫稍稍自給長齋繡佛募資重建朝真堂居之焚修禮誦諸婦女之樂潛修者羣往依焉守節五十餘年卒于廟光緒二十六年 題旌建坊于朝真廟前采訪冊

工部郎中劉安瀾妻同里邱其樑之女

采訪冊

舉止端靜不苟言

笑光緒乙亥歸于劉晨夕侍奉得堂上歡安瀾入爲工部虞衡司郎中南北鄉試均未售抑鬱而歿氏欲以身殉堂上憫其少孀又無子命弟之子承幹爲嗣且詔之曰而有子矣撫育之足繼吾兒未竟之志乃涕泣受命自是撫承幹出入顧復繆荃孫劉母邱

夫人 恩勤不可殫述性好施予尤以振災爲亟疾革時垂念海

州災黎語承幹輸巨款拯海州之難歿於宣統己酉王先謙劉母邱夫人

墓志年五十守節二十五年 旌表節孝采訪冊

周慶奎妻徐氏名熙珍江蘇試用縣丞海寧徐鴻逵次女得溪詩徵

性聰慧知文字有華蕊樓吟稿一卷周氏家譜稿中存詩若干大抵

溯源於劍南石湖漸窺香山義山門徑王廷相華蕊樓遺稿序筆情真摯

意致纏綿頗合風雅詩人之義曹鑠遺稿序年二十二而卒周氏家譜

張令如繼妻潘氏潘建成女年十六嫁令如咸豐四年夫亡距

成婚未及三月遺腹生女撫前妻遺孤備嘗艱苦歷十餘年其

孤又亡女嫁後未幾亦亡氏孑然一身守節六十五年卒年八

十三采訪冊

南溇志

卷二十四

列女一

美

南溇志卷二十四終